

- **Help die Kind** is 'n aksie wat Hoërskool Randburg en Sharonlea Primary maandeliks ondersteun om behoeftige kinders te versorg.
- **Ekklesiapark Tuiste vir Bejaardes** word met bydraes en hulp ondersteun om die verblyf vir bejaardes meer aangenaam te maak.
- **Bejaardesorg in die gemeente** geskied deur 'n "aanneem-aksie" sodat ouer mense met spesifieke behoeftes deur ander lidmate versorg word. Die Lekkerkuier-klub hou gereeld byeenkomste.
- **Emmers Vol Liefde** ([www.emmersvolliefde.co.za](http://www.emmersvolliefde.co.za)) is 'n projek wat verwaarloosde bejaardes in die groter Wesrand-area versorg. Hulle aanvaar skenkings soos klere, kos en enige huishoudelike artikels. Betsie Stokes (082 684 9974) is die kontakpersoon.
- **Tutela Linden** is die NG Kerk se amptelike welsynsdienst met 'n kantoor op ons kerk perseel. Die kos spens word gereeld ondersteun. Tweedehandse klere en ander artikels is altyd welkom.
- **Kersfees kardoese** is 'n vlagskip-projek waarmee vreugde in soveel as 300 mense se lewens gebring word. Die wynveiling in Augustus samel fondse hiervoor in.
- **Africa Jesus Africa** is 'n nuwe uitreik-vennoot. Die aksie versprei met gereelde uitreike lewensvoorraad en die Woord aan sowat 1800 mense in afgeleë dorpie. Frikkie van Wyk (084 609 3460) is die gemeente se skakelpersoon.
- **Projek Wintersorg** probeer om die winter se ontbering vir mense wat deel is van ons vennoot-aksies beter te maak. Die aksie loop oor 5 weke in Mei en Junie en samel 'n verskeidenheid goedere in.
- **Doorway to Dignity** is 'n sambreel organisasie bedryf onder andere veilige skuilings (*shelters*) in ons omgewing en ander aksies waarmee die gemeenskap se nood aangespreek word. Kontak vir Trevor Webster (065 147 9552) om op 'n manier betrokke te raak.

# Voetspore van liefde

- só leef God se gemeente -



## NG Kerk **Randburg**

groeï. behoort. dien

h/v Doverstraat en Vinelaan, Ferndale, Randburg

011 - 789 2428; [ngrburg@mweb.co.za](mailto:ngrburg@mweb.co.za)

<http://www.ngrandburg.org>

<http://www.facebook.com/ngkerkrandburg>

*“... soos die Vader My gestuur het, stuur Ek julle ook ... en waar julle is sal Ek ook wees ... en so sal julle My verheerlik ... ”*

Die gemeente van God in Randburg wil gedurig onderskeidend en gehoorsaam bly luister na hierdie opdrag en belofte van Jesus Christus ... want op dié manier bly ons **Sy voetspore van liefde** trap ... in ons **groei** in die geloof, in die manier waarop ons aan mekaar **behoort** en op al die terreine waar ons as gelowiges **diens** lewer ...



*Die gemeente bied verskillende geleenthede waardeur lidmate van alle ouderdomme kan bly groei in hulle geloof om as God se kinders tot Sy eer te bly lewe ...*

- Die **weeklikse Sondagdiens** om 09:00 is 'n eietydse gebeurtenis waar die Woord, verskillende vorme van aanbidding musiek saam met gepaste simbole en geloof gewoontes 'n besondere tyd van ontmoeting met God en mede-gelowiges skep.
- Verskeie **Woordgroepe** kom deur die week byeen maar daar is altyd ruimte vir lidmate wat wil aansluit of nuwe groepe wil vorm.
- 'n **Gebedsbediening** skep deur 'n gebedsketting en ander aksies plek vir saambid en voorbidding doen vir verskillende sake en mense. Mynhardt Kapp (082 570 4309) neem die leiding hierin.
- 'n **Musiekgroep sowel as 'n sanggroep** gee hulle gawes in diens van die gemeente se aanbidding. Lidmate wat bedrewe is met musiekinstrumente of lief is vir sing kan hierdie groepe versterk. Siegfried Pretsch (082 448 9534) is as orrelis hiervoor verantwoordelik.
- **Ouderdoms-gerigte jeugaksies** wil kinders in die geloof help groei. 'n Kleuter- en kleinkerk vir die jonger kinders vind tydens die erediens plaas. Groter kinders se kategete klasse volg die weeklikse Woord-tema van die gemeente en vind soms tydens die erediens plaas. Die verhouding tussen kategete en kinders is baie kosbaar en byeenkomste word gesprek matig ingerig. Jolene de Kock (083 379 7709) is verantwoordelik vir die leiding en beplanning van hierdie werk.

- 'n **Inspirasie-dag** in September maak ruimte vir lidmate se uiteenlopende behoeftes en wil elkeen beter toerus om getrou en bruikbaar as Christene in die wêreld te leef – te midde van moeilike omstandighede en groot uitdagings.



*Die vrede wat Christus vir gelowiges deur Sy verlossing gebring het vind uitdrukking in die manier waarop lidmate in liefde aan mekaar behoort in die gemeente ...*

- Verskillende **omgeegroep** wat lidmate se lewensfase in ag neem leef die gemeente se roeping van groei, sorg en dien uit. Weeklikse of twee-weeklikse byeenkomste skep 'n ruimte waar daar saam gepraat en gebid word, na mekaar geluister word en hande gevat word om by 'n diens projek betrokke te wees. Die kerkkantoor sal graag meer inligting oor die profiel en tye van die groepe verskaf.
- 'n Groot aantal lidmate is steeds deel van **wyke** waar wyksleiers met kwartaallikse besoeke en ander maniere van kontak die band tussen gelowiges bly versterk. Die noodsaak vir lidmate - wat oor 'n besonder wye geografiese gebied versprei is – om aan mekaar te behoort bly vir die gemeente 'n prioriteit.



*Die liefde waarmee God Sy kinders seën skep die nuwe Christus-geaardheid om te wil dien ... of dit in die gemeente, die bekende omgewing of selfs baie ver is ...*

Die gemeente is betrokke op verskillende terreine – op 'n direkte manier deur lidmate wat tyd, gawes en fondse gee vir spesifieke projekte of in vennootskappe met ander kerke en organisasies wat op terreine werk wat ons na aan die hart lê. Elke aksie bied ruimte vir lidmate om dadelik op verskeie maniere betrokke te raak. Die kerkkantoor het die kontakbesonderhede en meer inligting oor al hierdie projekte.

- **Bybels** word deur 'n subsidie-stelsel teen 'n bekostigbare prys in 'n verskeidenheid tale beskikbaar gestel sodat lidmate dit oral kan versprei. Zelda Hertz (082 873 6458) koördineer hierdie projek.